

御批資治通鑑綱目

一
冊

御批資治通鑑綱目前編外紀卷首

三皇紀

索隱曰。紀者。記也。本其事而記之。故曰本紀。帝王書稱紀者。言為後代之綱紀也。

總論

雙湖胡氏曰。三皇之號。昉於周禮。外史掌三皇五帝之書。而不指其名。其次則見於秦博士。有

天皇地皇人皇之議。秦去古未遠。意三皇之稱。此或庶幾焉。漢孔安國書序。乃始以伏羲神農黃帝為三皇。少昊顓頊高辛堯舜為五帝。不知果何所本。蓋孔子於家語。自伏羲以下。皆稱曰帝。易大傳。春秋內外傳。有黃帝炎帝之稱。呂氏月令。雖不可為據。然有曰帝太昊。帝炎帝。帝黃帝。亦足以表先秦未嘗以伏羲神農黃帝為三皇也。至宋五峰胡氏。直斷以孔子易大傳。以伏羲神農黃帝堯舜為五帝。不信傳而信經。其論始定。然三皇之號。不可泯也。則亦以天皇地皇人皇言之。但此三者。本無所稽。意混茫初開。先有天地而後有地。既有天地。則氣化而人生焉。皇極經世書。以元經會。所謂天開於子。地闢於丑。人生於寅。至寅始為開物之初。意三皇之號。由此而稱。而所謂三墳者。亦必因文籍既生之後。述上古之事。而有定書。大抵為荒闊遠。不可得而詳矣。况夫子於書。首唐虞。於易。首伏羲。伏羲以前。皆未嘗道闕之可也。

盤古氏。

太極生兩儀。兩儀生四象。四象變化。而庶類繁矣。相傳首出御世者。曰盤古氏。又曰渾敦氏。

音釋

盤古

氏。釋名。盤古。猶言盤固也。太極生兩儀。張九韶曰。太極者。象數未形。而理已具之稱。兩儀者。天地之謂也。四象

變化。張九韶曰。四象者。太陽。少陽。太陰。少陰之謂也。邵子以日月星辰。為天之四象。水火土石。為地之四象也。

釋名。變者。化之始。化者。變之終也。渾敦氏。釋名。渾敦。未昭晰之謂也。敦。或作沌。

總論

五峰胡氏曰。盤古生於大荒。莫知其始。明天地之道。達陰陽之變。為三才首君。於是混茫開矣。

史論

靜軒周氏曰。天之立君。以御世也。君之立極。以統眾也。故易曰。天地之大德曰生。聖人之大寶

曰位。混沌之世。天地始分。即有盤古氏出。自太極而生。兩儀自兩儀而生。四象變化無窮。庶類繁夥。由是天地始為天地。人物始為人物。而混茫開矣。雖然。鴻荒之世。書契未立。制度未備。為君者。不過穴居而野處。茹毛而飲血。俾是時不生盤古。則天地何由以分。日月何由以辨。山川何以為山川。草木何以為草木。此盤古所以繼天而出治也。厥後天開於子。則有天皇氏。地闢於丑。則有地皇氏。人生於寅。則有人皇氏。

天地人判而三才以立。世道漸開。風氣漸盛。人文宣著。治教休明矣。天之立君。豈苟焉而已哉。是以父天母地。而謂之天子。天子者。首出庶物。而萬國咸寧。其任大責重。不其然乎。噫。

天皇氏

一姓十三人。繼盤古氏以治。是曰天靈。澹泊無爲。而俗自化。始制干支之名。以定歲之所在。十干曰闕逢。旃蒙。柔兆。彊圉。著雍。屠維。上章。重光。玄默。昭陽。十二支曰困敦。赤奮若。攝提格。單閼。執徐。大荒落。敦牂。協洽。涒灘。作噩。闕茂。大淵獻。兄音釋天皇氏。釋名。太陽氣上積而成。弟各一萬八千歲。形者也。皇。大君也。氏。姓氏也。蓋天地未分之首。元氣混而爲一。一氣既分之後。先有天地。而後有地。則氣化而人生焉。謂之天皇氏者。蓋取天開於子之義也。干支之名。蔡邕獨斷云。干。幹也。其各有十。亦曰十母。卽甲乙丙丁戊己庚辛壬癸是也。支。枝也。其名一十有二。亦曰十二子。卽子丑寅卯辰巳午未申酉戌亥是也。

史論

靜軒周氏曰。盤古氏既分天地。天既開於子矣。而天皇氏出焉。繼盤古而爲治。天既開矣。而干支之名。則未製也。地既闢矣。而歲時之位。則未定也。由是制干支。以定歲之所在。其澹薄以俟俗之自化。

傳曰。非天子。不議禮。不制度。不考文。今天皇氏居天子之位。操制作之權。既立十干以定歲。又立十二支以定時。歲時既定。民始知天道之所向矣。夫有一代興王之君。必立一代興王之制。後王自是而相因。百世俟之而不惑。觀其律身行己。澹薄無爲。誠足爲帝王御世之良法。後之瓊宮瑤臺。糟丘池酒者。自取滅亡。何益之有。俗化澹薄。亦無奢僭。而天下趨於清靜。無欲之鄉。上行下效。捷於影響。所謂家齊而國治也。民風之盛。爲何如哉。故通鑑大書特書。以首外紀。欲使時君世王。法其澹薄無爲之心。兢兢業業。罔敢侈肆。毋輕民事。惟艱。無安厥位。惟危。見賢而思齊可也。

地皇氏

一姓十一人。繼天皇氏以治。爰定三辰。是分晝夜。以三十日爲一月。兄弟各一萬八千歲。**音釋**地皇氏。釋名。地。陰氣下凝而成質者也。謂之地皇氏者。蓋取地闢於丑之義也。爰定三辰。爰所也。三辰。謂日月星也。亦曰三光。左傳。三辰旂旗。昭其明也。

史論

靜軒周氏曰。此地闢於丑。而有地皇氏出焉。所以主宰萬物。而君臨天下者也。天地開闢。支干

已名。俾三辰不定。晝夜不分。則冥冥焉。萬古皆如長夜矣。由是明乎晝者。則謂之日。明乎夜者。則謂之月。在天成象。在地成形。而謂之星宿。晝夜者。陰陽之道也。三辰既分。而晝夜已判。消長盈虛。朔望相繼。而遂以三十日為一月焉。聖人創制立法。垂憲萬世。俾後之民人。皆知日月之道。星辰之理。晝夜之所以然。歲月之如此故。不啻如披雲霧而覩青天。剪荆棘而尋太道。引醉生夢死之人心。而登高明正大之域矣。是以天生聖人。精氣所萃。天不能言語也。而聖人言語之。天不能動作也。而聖人動作之。天不能刑殺也。而聖人刑殺之。君師之位。至尊至重。位則天位。祿則天祿。天子代天理物。繼天以出治者也。人君敬天。法祖節用。愛人。乃職分之當然耳。詎可輕僭而已哉。

辨疑

余宗海曰。愚聞之師云。八千之千當作百。蓋邵

子以自有天地。至于窮盡。謂之一元。一元有十。二會。一會有一萬八百年。子會生天。丑會生地。寅會生人。至戌會則閉物而消天。亥會則消天而消地。至子會。則又生天而循環無窮矣。自寅會箕一度。至午會星一度。該四萬五千餘年。正唐堯起甲辰之時也。夫自開闢以來。固有民物帝王。第以書契未興。無從稽考。其曰天皇氏。地皇氏。人皇氏。蓋亦傳聞其名而

已故作史者以生民以來若干年歲。滔派於天地人皇氏之下。以足其數。豈真有一萬八千歲之理哉。然不以四萬五千六百年錄之於唐堯之前。而置之於此。蓋亦誤矣。學者不可不察。

人皇氏

一姓九人。繼地皇氏以治。相厥山川。分爲九區。人居一方。故又曰居方氏。當是時也。萬物群生。淳風沕穆。主不虛毛。臣不虛貴。政教君臣所自起。飲食男女所自始。亦號九皇氏。兄弟九人。合四萬五千六百年。**音釋**人皇氏。釋名。人者神也。而爲萬物之最靈者也。謂之人皇氏者。蓋取人生於寅之義也。淳風沕穆。淳實也。亦作醇。賈誼賦。沕穆無窮。注。沕穆。深微貌。沕。音勿。

史論

靜軒周氏曰。此人生於寅。而人皇氏出。所以繼之群生。時序漸著。而淳風爲之沕穆。君乃明君。而主不虛毛。臣乃良臣。而臣不虛貴。制治漸敷。而政教所由興。禮義漸備。而君臣所自起。饑食渴飲。而民食用漸著矣。男交女媾。而民婚姻漸張矣。是時法網疎濶。風俗淳厚。爲君者不以安富尊榮爲心。爲臣者不以崇高富貴爲重。迨夫林林總總之民。但知花開爲春。

葉落爲秋。饑則思食。渴則思飲而已。民僞猶未滋也。人欲猶未侈也。人雖群生而僭奪之患不興。物雖總聚而凌偏之念不舉。故人皇氏兄弟九人。分爲九區。各居一方。均享天祿。非若後世視骨肉如寇讐。待兄弟如芒刺。分門割戶。惡若賊讐也。人心不古。有如是哉。噫。

總論

愚按春秋元命苞曰。天地開闢。至春秋魯哀公十四年。獲麟之歲。凡二百二十六萬七千年。

分爲十紀。其一曰九頭紀。卽人皇氏也。古者謂一人爲一頭。人皇兄弟九人故也。二曰五龍紀。又謂之五姓。兄弟五人。曰人皇。曰皇伯。曰皇仲。曰皇叔。曰皇季。皇少。治在五方。司五行。布山嶽。繼人皇御世者也。方是時也。世亟巢穴。日月貞明。三曰攝提紀。五十九姓。繼五龍氏以治。始分天下而居焉。四曰合維紀。三姓。繼攝提氏以治。始教民穴居者也。五曰連通紀。六姓。繼合維氏以治。六曰敘命紀。四姓。繼連通氏以治。七曰循蜚紀。八曰因提紀。九曰禪通紀。十曰疏仡紀。自人皇氏至敘命氏。凡八十三君。自循蜚而後。皆有世次可紀。禪通則終于炎帝。疏仡則始于黃帝。以迄于周。言雖繁而事不經見。聞者疑之。夫人靈於萬物。而氣稟不齊。其才德出類者。則爲衆所宗。此君道之始也。蠶螭尚然。況于人哉。以盤古之先爲無君耶。吾不得而知也。以人皇

之後為有君耶。吾不得而泯也。慎其世而著其號。去其怪而存其常可也。故謹列循蜚紀以下。附諸人皇氏之末。以備參考焉。

循蜚紀

循蜚者。以其時德厚信。人循其化。速若蜚也。有號而無世。凡二十二氏。

音釋

德厚

信。恒厚。深也。恒。苦江切。信實貌。

鉅靈氏

出於汾。握大象。持化權。揮五丁之士。驅陰陽。反山川。居無恒處。而跡躡于蜀。生也。汾。謂汾陰。也。按一統志。汾陰。古地名。漢置縣。屬河東郡。宋改榮河縣。本朝因之。屬平陽府。蘇林曰。雕。音誰。如淳曰。雕者。河東岸特堆。墟。長四五里。廣一里餘。高十丈。汾陰縣治雕之上也。

音釋

出於汾

句彊氏

譙明氏

涿光氏

鉤陣氏。

黃神氏。

佢神氏。

音釋

佢。白許切。

犁靈氏。

大颿氏。

音釋

颿。京媚切。

鬼颿氏。

弇茲氏。

音釋

弇。沽三切。

泰逢氏。

冉相氏。

蓋盈氏。

大敦氏。

靈陽氏。

巫常氏。

泰壹氏。

是爲皇人。調大鴻之氣。正神明之位。蓋範無形。嘗無味。要會久視。操法攬而長存者。

空桑氏。

音釋。帝王世紀云。陳留縣南一十五里有空桑城。卽空桑氏所都。伊尹亦生於此。

神民氏。

又曰神皇。蓋使神民異業。精氣通行者。

倚帝氏。

次民氏。

次民之世。穴處終矣。

因提紀。

因提者。其世咸有制作。俾後人可因以利時也。有號有世。凡十三氏。

辰放氏

古初之人。卉服蔽體。辰放氏作。教民摩木茹皮。以禦風霜。絢髮閨首。以去靈雨。而人從之。命之曰衣皮之民。傳音釋卉服蔽體。孟康曰。卉服。鳥夷之服。注。卉。音四世。也。茹。而預切。相牽引貌。絢髮。閨首。絢。徒刀切。絞之也。閨。未詳音切。疑字之訛也。以去靈雨。去。除之也。詩定之方中篇。靈雨既零。注。靈。善也。靈雨者。方春時雨也。

蜀山氏

蜀之為國。肇自人皇。其始蠶叢。柏濩魚鳧。三君各數百歲。同號蜀山。蠶叢居瞿上。魚鳧治導江。逮蒲澤。俾明時。人張稚結左言。不知文字。音釋居瞿上。居。猶衆事莫克傳。最後望帝杜宇云。按一統志。在成都府雙流縣東一十八里。乃蠶叢氏所都。治導江。治理之也。導江。古邑名。按一統志。本漢都安縣。唐改導江縣。元省入灌縣。屬成都府。逮蒲澤。逮。及之也。蒲澤。古邑名。按一統志。本漢堂陽城。晉置蒲澤縣。宋省入南宮縣。屬真定府。入張稚結左言。現眉庚切。民也。亦作𡩺。周禮注。𡩺。猶情。情。無知貌。服虔

曰。椎。一作。雕。今兵士作椎頭結也。索隱曰。雕。傳追反。結。音計。謂為髻一撮。似椎而結之。故字從結。案雕結二字。依字讀之。亦通。夷人俗本被髮。今蜀民同其風俗。但雕其髮而結之。左。猶戾也。毛晃曰。人道以右為尊。故非正之言。曰左言。望帝杜宇。九域志。杜宇。古蜀主也。號望帝。蜀嘗大水。宇與居人避水於長平山。後龍靈開峽治水。人得陸處。宇禪位與之。自居西山。得道昇天。

脛傀氏

音釋

脛呼同切。一作傀。傀姑同切。亦作瑰。

傳六世。

渾沌氏。

傳七世。

東戶氏。

子思子曰。東戶氏之熙載也。紹荒屯。遺美好。垂精拱默。而九寰以承流。當是之時。禽獸成群。竹木遂長。道上顏行而不拾遺。耕者餘餼。宿之隴首。其歌樂而無謠。其哭哀而無聲。蓋至德之世也。傳十七世。

音

釋

熙載善爰典有能奮庸熙帝之載注熙廣也舜言有能奮起事功以廣帝堯之事者九寰以承流九

寰猶言九州也釋名寰天子封畿內縣也董仲舒策

郡守縣令民之師帥所以承流而宣化也道上顏行

而不拾遺道猶路也漢書注早行曰顏家語孔子與

聞魯政道不拾遺注拾取也遺失也耕者餘餽宿之

隴首餘食之賸也餽許意切饋客生食及芻米也

隴力董切丘壟也顏師古曰田中高處也亦作隴

皇覃氏

又曰離光氏春秋命歷序曰皇覃氏之世也在而不治官天地府萬物信乎無假是故死生同兆而不可

相陵傳

七世

啟統氏

傳三

吉夷氏

傳四

世

几蘧氏。

亢倉子曰。几蘧氏之在天下也。不治而不亂。狗耳目。內通而外乎心。知天下之人。惟知母不知父。鶉居鵲飲。而不求不譽。晝則旅行。夜則類處。及其死也。豪昇風化而已。命之曰。知生之民。天下蓋不足治也。音釋。鶉居鵲飲。杜甫朝享太廟賦。聖人鶉居鵲飲。注。鶉處。而飲食如鵲之待哺而活也。豪昇風化。豪。古老切。說文。木莖爲豪。昇。雲俱切。說文。共舉也。詩序。風以動之。教以化之。

脩韋氏。

傳四世。

有巢氏。

傳二世。說見後。

燧人氏。

傳八世。
說見後。

庸成氏

羣玉之山。平阿無隘。四徹中繩。庸成氏之所守。先王之冊府也。傳八世。
音釋 羣玉之山。之冊府。穆天子傳。天子西登崑崙。見西王母。癸巳。至於羣玉之山。先王之所謂策府。注。羣玉山。西王母所居者。冊。與策通。言往古帝王以為藏書之府。所謂藏書策之山也。故秘書省謂之策府。

禪通紀 禪通者。言禪讓之德。通乎天道也。凡十九世。

軒轅氏

作于空桑之北。紹物開智。見轉蓬而制。乘車。橫木為軒。直木為轅。故號軒轅氏。

祝融氏

又曰祝誦氏。是時天下治和。萬物成若。祝融聽弇州之鳴鳥。以為樂歌。諧神明而和人聲。以火施化。亦號赤帝。故後世火官因以為號。都于鄆。葬衡山之陽。

音釋

都于鄆。說文。天子所宮曰都。鄆。古邑名。按

一統志。禹貢豫州之域。周封黃帝後於此。為鄩國。春秋時。為鄭武公之國。名曰新鄭。秦屬潁川郡。漢置新鄭縣。本朝因之。屬河南鈞州。葬衡山之陽。按一統志。衡山。在衡州府衡山縣西三十里。五嶽之一也。寰宇記云。宿當翼軫度。應機衡。故曰衡山。舜南巡狩至南嶽。即此。

太昊伏羲氏

傳十五世。
說見後。

史皇氏

倉帝名頡。有睿德。生而能書。及長。登陽虛之山。臨于玄扈洛水之汭。靈龜負書。丹甲青文。倉帝受之。遂窮天地之變。仰觀奎星圓曲之勢。俯察龜文鳥羽山川。掌指而翔文字。文字成。天為雨粟。鬼為夜哭。居陽武而葬。**音釋**。登陽虛之山。登猶升也。按一統志。陽虛山。在河南府永寧縣西五十里。一名陽峪。黃帝時。倉頡隨帝南巡。登陽虛之山。即此。臨于玄扈洛水之汭。臨。說文。自上泄下也。玄扈。山名。按一統志。在西安府洛南縣西北一百里。世傳黃帝時有鳳。仰圖至此山。帝拜受之。洛水在洛南縣北五里。發源豕嶺。